



COMUNE DE MARA

Provìntzia de Tàtari

DELIBERATZIONE DE SA GIUNTA COMUNALE N. 21 DE SU 06/03/2023

OGETU: TRABALLOS DE ASSENTU ISTRADA COMUNALE BONUIGHINU - CIG: 8444144810
CUP: D97H19001700006 — ANTITZIPATZIONE DE CÀSCIA PRO ISPESAS DE
GESTIONE CANTIERE CUN FUNDOS COMUNALES

S'annu duamìgia e bintitres, sa die ses, de su mese de Martzu a sas 16:05, s'est reunida in sa SEDE DE SA GIUNTA, acumpridas in antis totu sas formalidades prevididas dae sa Lege de s'Istadu e dae s'Istatutu, sa Giunta Comunale suta de sa presidèntzia de su Presidente CHESSA PAOLO.

A s'apellu nominale resurtat:

CÀRRIGA	SAMBENADU E NÙMENE	PRESENTE
SÌNDIGU	CHESSA PAOLO	EMMO
ASSESSORE	FIORI ANTONIO	NONO
VITZESÌNDIGU	MONNI CRISTINA	EMMO
ASSESSORE	SALARIS RICCARDO	EMMO

Presentes n° 3 Ausentes n° 1

Partètzipat su Segretàriu Generale ZANDA MONICA, chi providit a redatzionare custu verbale.

Leat sa Presidèntzia su Presidente CHESSA PAOLO, chi, reconnota legale s'adunàntzia, decrarat aberta sa setziada pro trattare s'ogetu giutu torra in subra.

In collegamentu dae tesu Sîndigu, Salaris e Monni

SA GIUNTA COMUNALE

PREMÌTIDU CHI:

- cun deliberatzione de su Consìgiu Comunale n. 6 de su 14/03/2022 est istadu aprovadu su Documentu Ùnicu de Programmatzione (DUP) pro su perìodu 2022/2024;

- cun deliberatzione de su Consìgiu Comunale n. 7 de su 14/03/2022 est istadu aprovadu su Bilàntziu de Previsione de su Comune de Mara pro s'annu 2022 e su Bilàntziu pro sos Tres annos 2022/2024;

Bidu su Decretu 13 de nadale de su Ministèriu de s'internu publicadu in GU n 295 de su 19 de nadale est istadu diferidu a su 31 de martzu de su 2023 su tèrmine pro sa deliberatzione de su bilàntziu de previsione 2023/2025 de sos entes locales.

Chi tra sas òperas pùblicas de acumprìre e finantziados cun fundos de sa RAS est prevìdida una summa de € **180.438,50** pro traballos de ASSENTU ISTRADA COMUNALE BONUIGHINU;

Bida sa Determinatzione de su Responsàbile de s'Àrea Tècnica n° 308/101 de su 11/06/2019 cun sa cale s'afidaiat a su Dut. Agrònomu Sarah Poddighe, domitziliadu in Putumajore, Carrera Gen. Pinna Parpaglia n.12/A, iscritu a s'Òrdine/Albu de sos Dutores Agrònomos e Forestales de sa provìntzia de Tàtari n. 721, s'incàrrigu pro sa progetatzione definitiva e esecutiva, direzione traballos e coordinamentu de sa seguresa pro sa realizare su traballu de ASSENTU DE S'ISTRADA COMUNALE BONUIGHINU;

Bida sa deliberatzione de sa Giunta comunale n. 47 de su 26/06/2019 cun sos cales sunt istados aprovados su progetu definitivu e esecutivu de sos TRABALLOS DE ASSENTU ISTRADA COMUNALE DE BONUIGHINU, su quadru econòmicu, sa relata generale, s'elencu de sos prejos unitàrios de sos traballos, su còmputu-mètricu estimativu, su pianu de seguresa e de coordinamentu, su “crono programma”, s'ischemu de cuntratu, in su respetu de s'art. 27 de su D.Lgs. n. 50/2016 e deliberadu de protzèdere a s'afidamentu de su traballu in ogetu pro un'importu de € 149.985,00 (IVA esclusa) pro mèdiu de afidamentu diretu cunforma a sa normativa como in vigèntzia in matèria de cuntratos pùblicos e *de l'afidare in resone de su critèriu de su preju prus bàsciu cunforma a s'art. 36, comma 9 bis de su D.Lgs. n. 50/2016;*

Bida sa Determinatzione de su Responsàbile de s'Àrea Tècnica n°563/135 de su 12/10/2020 cun sa cale s'afidaiat a sa Dita “PS Costruzioni srl” cun sede in Putumajore carrera Concordia n.27/A, C.F./P.IVA 02603240900 pro un'importu de èuros 133.464,37 (IVA esclusa) e de € 1.485,00 pro sos custos de seguresa, pro unu totale che pare a € 134.949,37 sos traballos de AMPARU DE S'ISTRADA COMUNALE BONUIGHINU, impìnniu n° 345/2020 che pare a € 164.638,24;

Reconnotu chi posca de s'aggiudicatzione a su Dut. Agronomu Sarah Poddighe e a sa dita “PS Costruzioni srl”, cun determinatzione pròpria n° 799 de su 28/12/2020, s'est provididu a modulare torra su quadru econòmicu nou de progetu pro un'importu totale de € 180.438,50;

Bidu su Verbale de cunsigna de traballu suta reserva de lege, de su 23/02/2021;

Reconnotu chi su CIG est su chi sighit: **CIG: 8444144810**

Reconnotu chi su CUP est su chi sighit: **D97H19001700006**

BIDU su cuntratu de apaltu Rep. N° 2/2021 - ART. 3 - (Corrispetivu de s'apaltu) chi narat:

*Su corrispetivu dèvidu a s'Apaltadore pro s'acumprida prena e perfeta de su cuntratu est apostivigadu in 134.949,37 (Chentutrintabatormìgia noighentosbarantanoe/37) de sos cales 133.464,37 pro traballos e 1.485,00 pro custos de seguresa, a fora de I.V.A. in sa misura de lege. - Sa contabilizatzione de sos traballos a misura at a èssere fata subra de sa base de sas òperas acumpridas, gasi comente apostivigadas dae sa diretzione de sos traballos durante sas operatziones de istèrrida, e averiguadas cunforma a sos prejos ofertos. Sos avisos de intregadura de ss títulos de ispesa ant a èssere imbiados a su Comune de Mara a sa sede legale de s'Apaltadore, in Putumajore, carrera Concordia n.27/A. Sos pagamenti ant a dèvere èssere fatos cun acrèditu subra de CCB dedicadu pro sa tratziabilidade, cunforma a s'art. 3 de sa lege n. 136/2010 e mm.ii.ii., intestadu a "Impresa **PS COSTRUZIONI s.r.l.**". Sos pagamenti ant a èssere fatos cun mandados intregados subra de Tesoriere de su Comune de Mara. Sa rechesta de àteras dàbiles modalidades diferentes de pagamentu at a dèvere èssere comunicada in forma iscrita dae s'Apaltadore a s'Ufitziu de Ragioneria de su Comune cumpetente e at a èssere cunsiderada vàlida finas a comunicatzione diferente".*

Reconnotu chi cun determinatziones de su Responsàbile de su servìtziu Tècnicu n°563/135 de su 12/10/2020 sunt istadas impinniadas sas ispesas relativas in su capìtolu de su bilàntziu n° 20191;

Bida sa determinatzione pròpia n° 19 de su 25/01/2023 chi at pro ogetu "Traballos de assentu de s'istrada comunale Bonuighinu - CIG: 8444144810 CUP: D97H19001700006 - Aprovatzione perìtzia non sustanziale";

CHI in data 31/12/2021, dae parte de sa Regione Autònoma della Sardegna sunt istados acreditados a favore de su comune de Mara €. 90.219,25 (che pare a su 50% de su finantziamentu);

RECRAMADA sa determinatzione pròpia n. 35/11 de su 31/01/2023 cun sa cale est istada aprovada sa contabilidade relativa a su 1° S.A.L. redatzionada dae su Direttore de sos Traballos Dut. Agrònomu Sarah Poddighe, domitziliadu in Putumajore, relativu a sos traballos de assentu de s'istrada comunale s'importu cumplessivu de Èuros 98.882,09 (de sos cales € 81.050,89 pro traballos e € 17.831,20 pro IVA a su 22%), a saldu de sa fattura n. 1 de su 27/01/2023 intregada dae sa Dita PS Costruzioni de Putumajore a tìtulu de pagamentu de su Primu Istadu de avanzamentu traballos;

BIDA sa contabilidade finale trasmìtida dae su D.L. Dut. Agrònomu Sarah Poddighe e achisida a su protocollu generale a su n° 564 in data 14/02/2023, dae sa cale s'annotat unu crèditu a saldu de sos traballos a favore de sa Dita PS Costruzioni de Putumajore de €. 65.756,15;

RECONNOTU chi su saldu de dare a su Dut. Agrònomu Sarah Poddighe pro progetatzione e D.L. pro su traballu fatu est in totu che pare a €. 14.310,60, e su chi tocat a su RUP resurtant che pare a € 1.489,67;

RECONNOTU chi pro protzèdere a sa trasmissione de sa rendicontatzione finale a s'Agèntzia Argea de sa RAS, si cunsiderat netzessàriu providire a un'antizipatzione de càscia che pare a €. 81556,42, cunforma a sas resurtàntzias ispetzificadas mègius in sa tabella chi sighit pro satisfàghere totu su pagamentu de sa prestatzione finas a como fata;

A	TOTALE CONTRIBUTU	180.438,51 €	
B	DINARI ANTITZIPADU 50%	90.219,15 €	
C	Pagamentos PRIMUM SAL	€ 98.882,09	
D	Diferèntzia tra acontu e pagamentu primu sal (B-C)	-€ 8.662,94	€ 8.662,94
	Pagamentos de dare		
E	ISTADU FINALE	€ 65.756,15	
F	PAGAMENTU PROGETATZIONE E DL	€ 14.310,60	
G	RUP	€ 1.489,67	
H	TOTALE PAGAMENTOS (E+F+G)	€ 81.556,42	€ 81.556,42
	SUMMAS DE ANTITZIPARE (diferèntzia tra summa de càscia e pagamentos H+D)		€ 90.219,36

BIDU cantu subra;

RITÈNNIDU OPORTUNU protzèdere a autorizare s'antìtzipu de sas ispesas pro sos traballos afidados a sa Dita "PS Costruzioni" de Putumajore, a su D.L. Dut. Agrònomu Sarah Poddighe, e a su RUP pro mèdiu de un'antìtzipu de càscia pro prestatziones de traballu giai fatas;

BIDU, puru, su d.l. n. 78/2009, mudadu in lege n. 102/2009 e, in particolare s'articulu 9 comma 1 chi, in matèria de "prontesa de sos pagamenti de sas Amministratziones Pùblicas", in atuatzione de sa diretiva 2000/35/CE de su Parlamentu europeu e de su Consìgiu, de su 29 de làmpadas de su 2000, relativa a sa ghera contra a sos retardos de pagamentu in sas operatzione cummertziales, acollida cun su decretu legislativu 9 de santugaine de su 2002, n. 231, apostìvigat cantu sighit: *"..a) pro prevènnere sa formatzione de situatziones noas de dèpidu, sas amministratziones pùblicas....., sena custos noos o prus artos, sas medidas organizativas oportunas pro garantire su pagamentu prontu de sas summas dèvidas pro sos prestatziones, fruniduras e apaltos. Sas medidas adotadas sunt publicadas in su giassu internet de s'amministratzione"*;

CONSIDERADU chi su dinari netzessàriu pro parare fronte a sos impìnnios giai leados e de licuidare, est a su màssimu che pare a sos impìnnios leados, e semper e cando, intro de sos istantziamentos de sos capìtulos sìngulos de bilàntziu;

CONSIDERADU chi, bida s'urgèntzia e in su mentres de s'isbursamentu de su dinari dae parte de sa RAS, custa amministratzione cheret semper e cando pruvìdare a antìtzipare cun resursas pròpias e sena agiunta de ispesas e interessos, sa summa cumplexsiva de € **90.219,36**;

BIDU su d.lgs. n. 267/2000 e mm.ii.ii.;

ACHISIDOS sos parres a favore espressados cunforma a s'art. 49 de su d.lgs. n. 267/2000 e mm.ii.ii.;

CUN votatzione de sos presentes a favore totu de acordu,

DELÌBERAT

DE RECONNÒSCHERE chi cantu espressadu in premissa faghet parte integrante e sustantziale de custu dispositivu;

DE ANTITZIPARE, cun fundos comunales disponìbiles, sa summa de €. € **90.219,36** pro pòdere pruvìdare in sos tèrmines de lege a sa licuidatzione de totu su dinari chi tocat a sa Dita "PS Costruzioni" de Putumajore, a su D.L. Dut. Agrònomu Sarah Poddighe, e a su RUP pro sos traballos de assentu de s'istrada comunale Bonuighinu;

DE AUTORIZARE su Responsàbile de sos Servìtzios Finantziàrios a antìtzipare su dinari mentovadu in antis cun mèdios pròpios a dispositzione de su Comune, fata chi siat sa rechesta de su Responsàbile de servìtziu chi licuidat s'ispea cunforma a sa cumpatibilidade cun sa situatzione generale de càscia.

Cun àtera votatzione totu de acordu, espressada cunforma a sa lege, deliberat de tprrare custa deliberatzione luego esecutàbile cunfora a s'art. 134, comma 4° de su D.Lgs. 267/2000e mm.ii.ii.

PARRE DE REGULARIDADE TÈCNICA

Su Responsàbile de su Servìtziu, cunforma a s'art. 49 de su TUEL 267/2000 e de s'art. 11 de su Regulamentu subra de sos controllos internos, in òrdine a sa proposta n.ru 130 de su 06/03/2023 espressat parre a **FAVORE**.

Parre firmadu a manera digitale dae su Responsàbile de su Servìtziu GEOM SALE FRANCESCO in data 06/03/2023.

PARRE DE REGULARIDADE CONTÀBILE

Su Responsàbile de su Servìtziu, cunforma a su D.Lgs. 267/2000 art. 49, in òrdine a sa regularidade contàbile desa proposta n.ru 130 de su 06/03/2023 espressat parre a **FAVORE**.

Parre firmadu a manera digitale dae su Responsàbile de su Servìtziu CHESSA PAOLO in data 06/03/2023.

LÈGHIDU APROVADU E SUTASCRITU

Su Presidente
CHESSA PAOLO

Su Segretàriu Generale
ZANDA MONICA

NOTA DE PUBLICATZIONE N. 160

Su 13/03/2023 est publicada in s'Albu Pretòriu sa Delibera de Giunta n.ru 21 de su 06/03/2023 cun ogetu: **TRABALLOS DE SISTEMATZIONE ISTRADA COMUNALE BONUIGHINU - CIG: 8444144810 CUP: D97H19001700006 — ANTITZIPATZIONE DE CÀSCIA PRO ISPESAS DE GESTIONE CANTIERI CUN FUNDOS COMUNALES**

At a a abarrare afissa pro 15 dies sighidas cunforma a s'art. 124 de su T.U. 267/2000.

Esecutiva cunforma a sas dispositziones de lege in vigèntzia.

Nota de publicatzione firmada dae CHESSA PAOLO su 13/03/2023.